

Է. Խաչեկյան

ԲԱԹՈՒՄԻ ՊՐՈԼԵՏԱՐԻԱՏԻ ՌԵՎՈԼՈՒՑԻՈՆ ՊԱՅՔԱՐԻ ՊԱՏՄՈՒԹՅՈՒՆՆԵՐ

Համանրոպական տնտեսական ճգնաժամի պայմաններում Ռուսաստանի արդյունաբերական կենտրոններում ռեվոլյուցիոն սոցիալ-դեմոկրատիայի ղեկավարությունը սկսված գործադուլային բանվորական շարժումները 20-րդ դարի սկզբից բացարձակ քաղաքական պայքարի բնույթը բնորոշեցին՝ ուղղված ցարական ինքնակալության և բուրժուազիայի դեմ:

Այդ շարժումներն ամենաջերմ արձագանք գտան նաև Անդրկովկասում, որտեղ անցյալ դարի 90-ական թվականների կեսերից բազմազգ պրոլետարիատի գլուխն էր կանգնել և նրա պայքարը ղեկավարում էր Լենինը՝ հավատարիմ աշակերտ և զինակից, Անդրկովկասի լենինյան-խեղճական սոցիալ-դեմոկրատական կազմակերպությունների հիմնադիր Ի. Վ. Ստալինը:

1898—1901 թվականները շրջադարձային ժամանակաշրջան հանդիսացան Անդրկովկասի բանվորական շարժման, սոցիալ-դեմոկրատական կազմակերպությունների պատմության մեջ. 1898—1900 թթ. ընկեր Ստալինը իր մարտական զինակիցներ Ս. Շուլցիկիսի և Լ. Կեցիսի հետ միասին համառ պայքար մղելով օպորտունիզմի դեմ, հիմք դրեց Անդրկովկասում ռեվոլյուցիոն սոցիալ-դեմոկրատական կազմակերպությանը, ձևավորեց Թիֆլիսի պարտիական կազմակերպության ղեկավար կենտրոնական խումբը, որը հսկայական ռեվոլյուցիոն պրոպագանդիստական և կազմակերպական աշխատանք ծավալեց անլեգալ սոցիալ-դեմոկրատական կազմակերպությունն ստեղծելու ուղղությամբ, կազմակերպեց ու գլխավորեց Թիֆլիսի պրոլետարիատի հոսիկու գործադուլները, ինքնակալության դեմ ուղղված քաղաքական ցույցերը:

Այդպիսով, ընկեր Ստալինի գլխավորությամբ կովկասում ես սկսում է ժողովրդային սոցիալիզմի միացումը բանվորական շարժման հետ ճիշտ այնպես, ինչպես այդ մի քանի տարի առաջ փայլուն կերպով իրականացնում էր Լենինի ղեկավարած պետերբուրգյան «Պայքարի միություն»-ը:

1901 թ. ընթացքում ընկեր Ստալինի գլխավորությամբ կազմակերպվում և ձևակերպվում են Թիֆլիսի ու Բաքվի լենինյան-խեղճական կազմակերպությունների սոցիալ-դեմոկրատական կոմիտեները: 1901 թ. նոյեմբերի վերջին Թիֆլիսի կոմիտեն, որ մինչև կովկասյան Միությունական կոմիտեի ստեղծումը փաստորեն Անդրկովկասյան սոցիալ-դեմոկրատական կազմակերպությունների ղեկավար կենտրոնի դեր էր կատարում, ընկեր Ստալինին զործուղում է Բաքվում՝ անլեգալ սոցիալ-դեմոկրատական կազմակերպություն ստեղծելու համար:

¹ «Իսսիֆ Վիսարիոնովիչ Ստալին», Համառոտ կենսագրություն, Հայպետհրատ, 1949 թ., էջ 15:

Բաքվից և Թիֆլիսից հետո Բաթումը Անդրկովկասի արդյունաբերական և պրոլետարական երրորդ խոշոր կենտրոնն էր: Բաթում էին դալիս Ռուսաստանի տարբեր նահանգներից, ինչպես նաև Վրաստանից, Հայաստանից, Ադրբեջանից և մյուս վայրերից տասնյակ հազարավոր հողագործիկ գյուղացիներ՝ աշխատանք որոնելու, օրվա ապրուստ հայթայթելու համար:

1901 թվականին Բաթումի բանվորների քանակը արդեն հասնում էր մոտ 11 հազար մարդու: Վերին աստիճանի ծանր էր նրանց դրությունը: Բանվորները տնտեսական-քաղաքական դժվար շահագործման էին ենթարկվում տեղական և օտարերկրյա կապիտալիստների, ինչպես նաև ազգային հալածանքների էին ենթարկվում ցարական ինքնակալության կողմից: Նրանք աշխատում էին օրական 12—14 ժամ, պարտադիր արտաժամյա աշխատանքներն էլ հաշված՝ 16—17 ժամ: Լաշնորեն գործադրվում էին տուգանքները, փոքրահասակների աշխատանքը: Չկար կյանքի ապահովագրություն, բանվորները աշխատանքի ժամանակ մեքենայի տակ ընկնելով կորցնում էին իրենց ձեռքը կամ ոտքը, գործարանի աշխատողներից առաջ զենքի փոշի էին փչում: Դեպքեր էին հանդիպում, որ բանվորի անզգուշություն արդյունք է տուժավորին դուրս էր շարժվում աշխատանքից:

Ավելի անտանելի էին բանվորների բնակարանային ու կենցաղային պայմանները: Կիսաքաղց կյանքի հետ միասին նրանք իրենց ընտանիքներով ապրում էին քաղաքի ճահճոտ, խոնավ ու մոծակներով լի ծայրամասերում շինված հակասանիտարական խրճիթներում կամ հանրակացարաններում:

Այս անտանելի շահագործումն ու զրկանքները բանվորների մեջ ատելություն էին հրահրում դեպի գործարանատերերը, դեպի գոյություն ունեցող պետական դժվար կարգը:

1902 թվականին լենինյան «Իսկրա»-յում տպագրվեց Բաթումի բանվորներից մեկի նամակը, որը նկարագրելով գործարաններում տիրող ծանր դրությունը, բանվորների անտանելի շահագործումը, նշում էր. «Ծանր է այսպես ապրելը, և ակամայից հարց է ծագում՝ ինչու ենք մենք այսպես տառապում. մեր կյանքը զուրկ է ամեն մի ուրախությունից, նա միայն համատարած ճանսպարհ է դեպի գերեզման: Ուրեմն ավելի լավ չէ՞՝ դազգահի առաջ ստորուկի նման մեռնելու փոխարեն, մեռնել ազատության պայքարի համար, լավագույն ապագայի համար...»:

Մինչև ընկեր Ստալինի Բաթում գալը այդտեղ չէր ընդհատակյա սոցիալ-դեմոկրատական կազմակերպություն, բանվորների մեջ ոչ մի սկզբնական աշխատանք չէր տարվում:

Բաթում հասնելով, ընկեր Ստալինը կապվում է առաջավոր բանվորների հետ և շատ կարճ ժամանակամիջոցում գործարաններում ստեղծում է ընդհատակյա սոցիալ-դեմոկրատական 11 խմբակ, որոնք ընդգրկում էին Մանթաշևի, Ռոտշիլդի, Սիգիբրիդիսի և մյուս գործարանների բանվորներին: Ընկեր Ստալինը սխտեմատիկաբար պարապմունքներ էր անցկացնում խմբակներում, մերկացնում էր Բաթումում բուն դրած «Մեսամեդասի» մեծամասնության խմբի անդամների, լեզալ մարքսիստների օպորտունիստական գործունեությունը, բանվորներին բացատրում էր իրենց

թշվառության և աղքատության պատճառը, պարզաբանում պրոլետարիատի պատմական դերը զարական ինքնակալության և բուրժուազիայի դեմ քաղաքական պայքար մղելու, սոցիալիստական կարգեր ստեղծելու գործում:

«Ընկեր Ստալինը ամուր կերպով կապված էր բանվորական մասսաների հետ և մանրամասն դիտեր բանվորների կյանքը — գրում է իր հուշերում Ռոստիլդի գործարանի բանվոր, մարքսիստական խմբակի անգամ Օսման Գուրգենիձեն:— Նա, այն բոլորը, ովքեր բացատրում էր, սերտորեն կապում էր բանվորների կյանքի կոնկրետ փաստերի հետ և այդ պատճառով նրա ճառերը մեզ համար այդքան հասկանալի էին դառնում»¹:

Առաջավոր բանվորների օգնությամբ ընկեր Ստալինը ձեռնարկում է նաև փոքրիկ անլեզալ տպարան ստեղծելու աշխատանքը, այդ մասին Բաթումի տպագրիչ հին բանվորներից Ս. Թոդրիան, որը մինչև ընկեր Ստալինին հանդիպելը հաճախում էր «Մեսամեդասականների» կիրակնօրյա դպրոցը, պատմում է հետևյալը. «Մի անգամ ընկեր Ստալինը հարցրեց ինձ. «Ի՞նչ են սովորեցնում ձեզ կիրակնօրյա դպրոցում» և երբ ես նրան ասացի, որ այնտեղ սովորեցնում են, թե ինչպես է շարժվում արեգակը, նա ժպտալով պատասխանեց.

— Լսիր—մի վախենա, արեգակն իր ուղուց չի շեղվի: Այլ դու սովորիր, թե ինչպես պետք է շարժվի ռեվոլյուցիայի գործը, և օգնիր ինձ մի փոքրիկ անլեզալ տպարան սարքելու գործում:

Ստալինի այդ հանձնարարությունը կատարվեց»:

Այսպես, ընկեր Ստալինը օրեց-օր ուժեղացնում էր իր կազմակերպած սոցիալ-դեմոկրատական խմբակների ազդեցությունը բանվորների վրա, ընդլայնում էր խմբակների գործունեությունը, ընդհատակյա ռեվոլյուցիոն աշխատանքի մեջ էր ընդգրկում բանվորների նորանոր խմբեր, վրացի, հայ, ռուս առաջավոր բանվորներից աճեցնում էր փորձված կազմակերպիչներ և ագիտատորներ, նրանց տալիս էր կոնկրետ հանձնարարություններ, աշխատում էր սոցիալ-դեմոկրատական խմբակների ղեկավարությունը Բաթումի քաղաքային մեկ կենտրոնի մեջ միավորել:

Ցարական պահնորդական բաժանմունքը Բաթումում ընկեր Ստալինի տարած այդ աշխատանքների մասին հայտնում է հետևյալ տեղեկությունները. «Սոցիալ դեմոկրատական շարժման զարգացումը մեծ հաջողություններ ձեռք բերեց, երբ 1901 թվականի աշնան «ՌՍԴԲՊ Թիֆլիսի կոմիտեն» իր անդամներից մեկին՝ Իոսիֆ Վիսսարիոնովիչ Զուդաշվիլուն Բաթում գործուղեց՝ գործարանային բանվորների մեջ պրոպագանդա մղելու համար: ... Զուդաշվիլու գործունեության շնորհիվ ... շուտով Բաթումի բոլոր գործարաններում սկսեցին առույզ գալ սոցիալ դեմոկրատական կազմակերպություններ»²:

1901 թ. դեկտեմբերի 31-ին (նոր տոմարով 1902 թ. հունվարի 13-ին) ընկեր Ստալինը հրավիրում է Բաթումի սոցիալ-դեմոկրատական խմբակների ներկայացուցիչների անլեզալ կոնֆերանս, որին մասնակցում են 25—30 մարդ: Պահնորդական բաժնի հետապնդումից խույս տալու նպատակով, կոնֆերանսը կազմակերպվում է նոր տարին դիմավորելու անվան

¹ «Батумская демонстрация 1902 года». Партиздат ЦК ВКП(б), 1937 г., стр. 114.

² «Մեծ առաջնորդը և ուսուցիչը», հայկուհրատ, 1936 թ., էջ 11:

³ «Батумская демонстрация 1902 года», стр. 187, ընգգծումը մերն է--Ե. Խ.:

տակ, ժանդարմերիայի աշխարհը հեռու՝ Ռոտշիլդի գործարանի բանվոր Սիլվեստր Լոմջարիայի բնակարանում:

Այդ կոնֆերանսում ընկեր Ստալինը, որին Բաթումի բանվորները արդեն այդ ժամանակ թրանվորների ուսուցիչ էին անվանում, 4—5 անգամ կրակոտ ելույթ է ունենում, նվիրված ուղղություն սոցիալ-դեմոկրատիայի և պրոլետարիատի դասակարգային պայքարի խնդիրներին:

Այդ պատմական գիշերը ընկեր Ստալինի գլխավորությամբ ձևավորվում է Բաթումի ուղղություն սոցիալ-դեմոկրատական կազմակերպությունը և նրա ղեկավար պարտիական խումբը, որը Բաթումի ՌՄԴԲԳ Լենինյան իսկրայական ուղղության կոմիտեի գեր է կատարում: Այդ ժամանակ Բաթումի սոցիալ-դեմոկրատական կազմակերպության մեջ էին մտնում առաջավոր բանվորներ՝ Ս. Լոմջարիան, Ի. Գորախովիձեն, Ս. Թոդրիան, Խ. Ղազարյանը, Մ. Գաբունիան, Պ. Լոմջարիան, Պ. Գոդոբերիձեն, Վ. Կալանտաձեն, Օ. Գուրգենիձեն, Ն. Կերտաձեն, Պ. Կուրիձեն և ուրիշները:

Կոնֆերանսի աշխատանքները տևում են մինչև լուսաբաց, և... Երբ արշալույսի վարդագույն շողերը թափանցեցին լուսամուտից ներս, — վերջում է Պ. Կուրիձեն, — Ստալինն ասաց՝

— Ահա և լուսաբացը: Շուտով արևը կծագի: Այդ արևը կփայլի մեզ համար¹:

Բաթումի պարտիական կազմակերպության ձևավորումից հետո պրոլետարիատի գործադուլներն ու ուղղություն ելույթները ընկեր Ստալինի գլխավորությամբ ընդունում են կազմակերպված բացարձակ քաղաքական պայքարի բնույթ: Այդ գործում վճռական դեր կատարեց ընկեր Ստալինի գլխավորությամբ բազմազգ բանվորների ինտերնացիոնալ դաստիարակությունը, նախընտանիքի գեմ մղված համառ պայքարը:

Ինչպես հայտնի է, դեռևս անցյալ դարի 90-ական թվականներից ընկեր Ստալինի Անդրկովկասում ստեղծված սոցիալ-դեմոկրատական կազմակերպություններն արդեն խիստ ինտերնացիոնալ բնույթ ունեին: Թշնամիների գեմ համերաշխ պայքար մղող վրացի, ռուս, հայ և մուսուլման բանվորների միասնական կազմակերպություն, — դրում է ընկեր Ստալինը, — այս էր պարտիական կյանքի պատկերը... Կովկասյան սոցիալ-դեմոկրատական աճել է նախընտանիքի գեմ մղած պայքարում²:

Ընկեր Ստալինը Բաթումում ընդհատակյա սոցիալ-դեմոկրատական կազմակերպություն հիմնելու առաջին խալ օրերից, մերկացնելով լեզալ մարքսիստներին, օպորտունիստներին, միաժամանակ համառ պայքար մղեց մեծապետական շովինիզմի և բուրժուական նախընտանիքի գեմ, որոնք լուրջ դժվարություններ էին հարուցում և խանգարում էին Բաթումի պրոլետարիատի պայքարի կազմակերպմանը, սոցիալ-դեմոկրատական աշխատանքների ծավալմանը:

Համառ էր այդ պայքարը: Ցարական մեծապետական շովինիստները, գործարանատերերը, բուրժուական և մանր բուրժուական նախընտանիքիստներն իրենց դասակարգային տիրապետությունը կանգուն պահելու համար,

¹ «Рассказы старых рабочих закавказья о великом Сталине», 1937 г., стр. 64

² Ի. Վ. Ստալին, Երկեր, հատոր 2-րդ, էջ 335 և 336:

օգտագործելով բանվորների ազգային կազմի բազմազանությունը, բոլոր միջոցներով թունավորում էին աշխատավորների գիտակցությունը, մեկ ազգությունը գրգռում էին մյուսի դեմ, ձգտում էին բանվորներին պառակտել ըստ ազգային հատկանիշների և այդպիսով խափանել պրոլետարիատի դասակարգային միասնությունը, ինքնակալության և բուրժուազիայի դեմ մղվող ուղուցիոն պայքարը:

Ահա այսպիսի իրադրություն պայմաններում ընկեր Ստալինը դիմում է կոնկրետ միջոցառումների: Նա իր ստեղծած սոցիալ-դեմոկրատական խմբակներում ընդգրկում է տարբեր ազգություններին պատկանող առաջավոր շատ բանվորների, նրանցից աճեցնում է հմուտ կազմակերպիչներ ու պրոպագանդիստներ, հանգամանորեն մերկացնում և ջախջախիչ հարվածներ է հասցնում մեծապետական շովինիզմին, բուրժուական նացիոնալիստներին: Նա Բաթումի բազմազգ բանվորներին դառնալիքով է պրոլետարական ինտերնացիոնալիզմի, միասնության և եղբայրական համերաշխության ոգով:

Այդ աշխատանքը շատ շուտով տվեց իր բեղմնավոր արդյունքը. 1902 թ. աննախընթաց վերելք ապրեց Բաթումի պրոլետարիատի ուղուցիոն պայքարը, որի մեջ հրաշալի կերպով դրսևորվեց բազմազգ բանվորների միասնության, պրոլետարական ինտերնացիոնալիզմի լենինյան-ստալինյան գաղափարների հաղթանակը:

Բաթումում այդ ժամանակ բանվորական շարժման դեմ ամենաստոր դավեր էին լարում պրոլետարիատի ոխերիմ թշնամի դաշնակները և հնչակյանները: Նրանք աշխատում էին իրենց ազդեցությունը տարածել Բաթումի հայ բանվորների վրա, որոնք վրացի բանվորներից հետո Բաթումի պրոլետարիատի շարքերում արդեն մի պատկառելի թիվ էին կազմում: Դրանք Անդրկովկասի տարբեր մասերից եկած, ինչպես նաև թյուրքական արյունարբու սուլթան Համիդի կողմից 1894—1896 թվականին կազմակերպված հերթական կոտորածից ճողոպրած գյուղացիներն էին, բոլորն էլ շահագործումից ու հալածանքներից ծեծկված ու անօգնական: Ծառայության մտնելով Բաթումի գործարաններում որպես բանվորներ և նավահանգստում՝ որպես բեռնակիրներ, նրանք հենց սկզբից եղբայրական կարեկցություն և օգնություն գտան վրացի և ռուս բանվորների, իրենց բախտակից ընկերների կողմից: Դրան հակառակ՝ դաշնակները և հնչակյանները նացիոնալիստական անտագոնիստական գաղափարներ սերմանելով, աշխատում էին խանգարել հայ բանվորների դասակարգային ինքնագիտակցության աճումը, ձգտում էին հեռու պահել սոցիալ-դեմոկրատիայի ազդեցությունից, գործադուլներից ու ուղուցիոն պայքարից:

Այս բոլորը ճարպկորեն օգտագործում էին Բաթումի գործարանատերերը, նրանց թվում հայ խոշոր կապիտալիստ Սանթաշևը: Մանթաշևը բանվորների ինտերնացիոնալ միասնությունը ջլատելու և մեծ շահույթներ ձեռք բերելու նպատակով իր գործարանում ընդունում էր մեծ թվով հայերի «Բարերարի» կեղծ քողի տակ թաքնվելով՝ նա խաբերայություն մանօրեական բանվորներին վարձում էր կրկնակի պակաս օրավարձով, և տգրուկի նման ծծում էր նրանց արյունը:

1900 թվականից Մանթաշևի գործարանում աշխատող զարոյշիկ բանվոր, նոր Բայազետի Փաշաքենդ գյուղի բնակիչ Իվան Սարգսյանը Բաթումում իրենց անցկացրած թշվառ կյանքի մասին պատմում է հետևյալը. «Օրական աշխատում էինք 14 ժամ և ստանում էինք 45 կոպեկ աշխատավարձ: ... Մեկ փոքրիկ սենյակում ապրում էինք 10—15 հոգի: Միևնույն թախտի վրա 2—3 հոգի էինք քնում: Կիսաքաղց կյանք էինք տնցկացնում: Շաբաթը մեկ անգամ 5 հոգով գնում էինք 400 զր միս, սպիտակ գուլուլ լոբով շորվա էինք եփում, մի կերպ քարշ էինք գալիս, միշտ կարոտ կուշտ ուտելուն և ազատ կյանքին ... Ամենաչնչին «սխալի» համար տուգանում էին և ձեռնում մեզ, օրինակ, սոսկալի տանջող էր Մանթաշևի գործարանի ավագ պրիկաշիկ Զումշուգը (ղարարաղցի): Զումշուգը մի անգամ բանվոր Սիրեկան Կոոյանին այնպես ծեծեց, որ բոլոր ատամները կոտրվեցին և լցվեցին բերանը: Ծեծո շատ էր տարածված գործարանում, դրանից բանվորները զայրանում էին և վրեժխնդիր էին ուզում լինել¹»:

Հենց սկզբից, ընկեր Ստալինի գլխավորությամբ Բաթումի սոցիալ-դեմոկրատական կազմակերպության ղեկավար խումբը հատուկ միջոցներ է ձեռք առնում և ուժեղացնում է հայ բանվորների մեջ տարվելիք սոցիալ-դեմոկրատական աշխատանքները: Ընկեր Ստալինը խնդիր է առաջադրում ամեն կերպ պայքարել և լիկվիդացնել նացիոնալիստների սերմանած հակապրոլետարական գաղափարները, միասնություն ստեղծել հայ բանվորների հետ: Այս առաջադրանքը ամենաջերմ արձագանք և օգնություն է գտնում Բաթումում կազմակերպված ողջ պրոլետարիատի կողմից:

Բանվորները առաջին անգամ ընկեր Ստալինից լսեցին պրոլետարիատի մարտական պարտիայի ստեղծման, պրոլետարական ինտերնացիոնալիզմի դրոշի ներքո բանվորների համախմբման և ինքնակալություն ու բուրժուազիայի դեմ նրանց քաղաքական պայքարի կազմակերպման անհրաժեշտությունը: Բաթումի կոմիտեն բանվորների մեջ աշխատանք տանելու համար ուղարկում էր լավագույն առաջավոր բանվոր պրոպագանդիստներին, նրանց միջոցով տարածում էր անկեղալ կոչեր ու պրոկլամացիաներ:

Մանթաշևի գործարանում աշխատող բանվոր Աղարեկ Աֆրիկյանն իր հուշերի մեջ տեղեկացնում է, որ իրենց գործարանում ակտիվ ուսուցիչն աշխատանքներ էին տանում սոցիալ-դեմոկրատ վրացի առաջավոր բանվորները. «մեզ միշտ հավաքում և բացատրում էին, որ մենք շատ ենք աշխատում խազեխներին համար, բայց նրանք շատ քիչ աշխատավարձ են տալիս մեզ»:

... 1902 թ. սոցիալ-դեմոկրատ առաջավոր բանվորներն ինձ մի քանի անգամ թուղթիկներ տվին, ես դրանք տարա և ցրեցի մեքենաների վրա, մի մասն էլ տեղավորում էի մեքենաների արանքում, որպեսզի բանվորներն աշխատելիս վերցնեն ու կարդան²:

Շնորհիվ այս միջոցառումների՝ շուտով Բաթումի Կոմիտեի շուրջը համախմբված վրացի, ռուս և մյուս ազգությունների առաջավոր բանվորների շարքերում աճում և դաստիարակվում են ուսուցիչն շատ հայ բանվորներ:

¹ Հայկական ՍՍԽ ԳԱ Պատմության ինստիտուտի արխիվ, ֆոնդ 43, դոք 2, էջ 1—2;
- նույն տեղում, գործ 3, էջ 1:

Այդ առաջավոր բանվորներից էին՝ Խաչիկ Ղազարյանը, Մանուկ Համամջյանը, Գևորգ Գրիգորյանը, Միքայել Խրիմյանցը, Հովակիմ Խնջորարյանը, Ասատուր Բագիրովը և ուրիշները։ Սրանցից ոմանք ընկեր Ստալինի հետ հանդիպումներ էին ունեցել, զեռես ընկեր Ստալինի Բաթում դալու առաջին իսկ օրերին, ՌՍԳԲՊ Բաթումի կոմիտեի ստեղծման պատմական կոնֆերանսում, գործադուլների կազմակերպմանը նվիրված խորհրդակցություններում, նույնպես և քաղաքական ցույցերի ժամանակ։ «Մի անգամ (այդ կլինեի 1901 թվականին),—պատմում է Մանթաշևի գործարանի նախկին բանվոր Խաչիկ Ղազարյանը,—մեզ հաղորդեցին, որ Թիֆլիսից եկել է մի ընկեր, ամեն մի ցեխից երկուական մարդ է հրավիրում իր մոտ զրուցելու համար։ Լինեմելու ցեխից ընտրեցին ինձ և Միխայիլ Գարունիային։ Մենք գնացինք Թիֆլիսսկի փողոցի վրա գտնվող Միխայիլ Գարունիայի տունը, որտեղ հավաքվածների մեջ էր գտնվում Թիֆլիսից եկած Լրիտասարդ ընկերը, որին անվանում էին Սոսո։ Այդ մեր մեծ Ստալինն էր։

Այստեղ մենք առաջին անգամ լսեցինք, որ մեր դուրսը ընդ ընդ լավելու համար, մեզ, բանվորներին, անհրաժեշտ է ամենից առաջ կազմակերպվել բանվորական պարտիայի մեջ, պայքար մղել ինքնակալության դեմ, տապալել ցարական իշխանությունը և հաստատել դեմոկրատական ռեսպուբլիկա։

Մի քանի ժամանակից հետո, մի կիրակի օր, ընկեր Ստալինը մեզ գործարանների լիազորներիս դարձյալ հավաքեց և ցուցմունք տվեց պայքար սկսել բանվորական օրվա կրճատման համար և բաղատեց, թե ինչպես պետք է այդ գործնականորեն անել¹։

1901 թ. դեկտեմբերի վերջերին կամ 1902 թ. հունվարի սկզբին Բաթումում պատահում է մի այսպիսի դեպք. քաղաքային հիմնականոցում մահանում է Մանթաշևի գործարանում աշխատող գյոքչեցի (այժմ Սևան) մի հայ բանվոր։ Սովորաբար, երբ մահացածը մոտիկ ազգական չէր ունենում, հիմնականոցի ծառայողները դիակը դնում էին արկղանման մի դագաղի մեջ և սալակով ուղարկում էին դերեզմանատուն, ննջեցյալին մերկ վիճակում թաղում էին և դագաղը հետ բերում։ Այսպիսի անշուք և անհիշատակ թաղում էր սպասում նաև գյոքչեցի հայ բանվորի համար։

Հայրենիքից հեռու, թշվառ վիճակում մահացած բանվորը չէր թողել ոչ մի կոպեկ դրամական միջոց, սակայն նրա վերջին ցանկությունն էր եղել՝ թաղվել ծննդավայրում։

Ընկեր Ստալինի խորհուրդով վրացի, ռուս և հայ առաջավոր բանվորները իրենց վրա են վերցնում մահացած բանվորի ցանկություն կատարման նախաձեռնությունը։ Բանվորներից հանգանակած գումարով նրանք գնում են դագաղ և կազմակերպում են հանդիսավոր հուղարկավորություն, որը փաստորեն դառնում է Բաթումի բանվորների առաջին ցույցը։ «Առաջավոր բանվորներին հետևեցին նաև շարքայինները,—գրում է այդ մասին Սիգերիդիսի գործարանի նախկին բանվորներից Կուպարաձեն,—ընկեր Ստալինի նախաձեռնությամբ Մանթաշևի գործարանի բանվորները մյուս գործարանների բանվորներին ևս առաջարկեցին՝ մասնակ-

¹ „Батумская демонстрация 1902 года“, стр. 75.

ցելու թաղմանը: Այնպես որ հուղարկավորության օրը Բաթումի բնակիչները ականատես եղան չտեսնված մի երևույթի: Փաղաքի փողոցով անցնում էր թվով ավելի քան 1000 հոգուց բաղկացած թաղման թափորը: Բաթումի փողոցներում խոնված բնակիչները... հետաքրքրությամբ հարցնում էին «այս ունի են թաղում»: Բանվորները, որոնք նախօրոք նախապատրաստված էին ընկեր Ստալինի կողմից, պատասխանում էին՝ մենք թաղում ենք «ազատ բանվորին»: Թափորին անվերջ միանում էին ժողովրդի նորանոր մասսաներ:

Հուղարկավորության թափորը հասավ մինչև երկաթուղու կայարանը, այնուհետև վարձված վագոնով մահացածի գիակը բանվորական գելեզադրան տարավ հայրենիք՝ Հայաստան¹:

Այս ցույցը մի հրաշալի դաս հանդիսացավ բանվորների խնտերնացիոնալ գաղտնիարակության համար, բանվորների դասակարգային գիտակցության և ռեուլցիոն գործունեության մեջ առաջ բերեց վճռական շրջադարձ: Բանվորները ճշմարտացիորեն տեսան և գիտակցեցին թե ով է իրենց վշտերի ու թշվառության իսկական կարեկիցը, շահերի պաշտպանը և ով է իրենց թշնամին:

Ընկեր Ստալինի գլխավորությամբ կազմակերպված ընդհատակյա սոցիալ-դեմոկրատական կազմակերպությունները ոտքի հանեցին Բաթումի պրոլետարիատին՝ գործադուլների և քաղաքական ցույցերի: Այդ պայքարի մեջ ակտիվ մասնակցություն ունեցան վրացի, ուսու բանվորների հետ միասին նաև հազարավոր շարքային հայ բանվորներ: Դրա ցայտուն ապացույցն է հանդիսանում 1902 թ. հունվարին Բաթումի առաջին և խոշոր գործադուլի կազմակերպումը Մանթաշևի գործարանում և բանվորների հաղթանակը: Գործադուլը ղեկավարում էր ընկեր Ստալինը: Մանթաշևի գործարանում այդ ժամանակ աշխատում էին տարբեր ազգությունների պատկանող մոտ 4 հազար բանվորներ, որոնք առաջին անգամ էր, որ կազմակերպված և համերաշխ կերպով ոտքի էին ելնում դասակարգային պայքարի:

Գործադուլի առիթը հանդիսացավ մի խումբ ռեուլցիոն բանվորների ձերբակալությունը, բայց դա միայն մի առիթ էր. պատճառը ավելի խորն էր:

1902 թ. հունվարի վերջին, կիրակի օրը, ընկեր Ստալինի ցուցումով բանվորները դուրս չեկան աշխատանքի և հանգստացան: Բանվորներին բռնի կերպով աշխատանքի բերելու ուղղությամբ ագմինիստրացիայի և նրան օգնության հասած ստրամնիկների բոլոր փորձերը անցան ապարդյուն: Մյուս օրը, երկուշաբթի, բանվորները հայտարարեցին, որ աշխատելու են միայն մինչև ժամը 6-ը: Եվ իսկապես՝ ժամը 6-ին բոլոր բանվորները միաժամանակ դադարեցնելով աշխատանքը, ցրվեցին իրենց տները: Գործարանի՝ ագմինիստրացիան բանվորների միասնությունը կոտրելու համար՝ գիմում է շարեյկըրեխերների օգնությանը, բայց այդ ապադասակարգայնացված հատուկ կենտ գավաճանները, հանդիպելով հա-

¹ «Коммунист» (Երևան) № 110, 14 մայիսի 1947 թ.: (Բաթումի Ռեուլցիայի թանգարանում ցուցադրված է նկարիչ Նադորեշվիլու «Ազրաա բանվորի» հուղարկավորությունը պատկերող յուզանկարը, որը մեծ հետաքրքրություն է ստաջ բերել այցելուներին մեջ):

զարավոր գործադուլավորներին ատելությամբ և նախատինքին, փախչում են գործարանից: Այդ ժամանակ վրա է հասնում ոստիկանությունը և հենց նույն օրը ձերբակալում է ևս 30 ակտիվ գործադուլավորներին: Երբ ձերբակալվում էր բանվորներից մեկին ու մեկը, նրա ընկերները, ընկեր Ստալինի խորհրդով խուզի բազմություն մար շրջապատում էին ոստիկաններին և պահանջում, որ իրենց էլ ձերբակալեն: Այս տակտիկան խիստ թևաթափ էր անում ոստիկանությանը:

Բանվորները, ոգեշնչված առաջին հաջողություններից, գործադուլային Գոմիտեի միջոցով կազմում և գործարանի ադմինիստրացիային են ներկայացնում իրենց պահանջները՝ ազատել ձերբակալվածներին, բարձրացնել աշխատավարձը, տալ շտաբական մեկ օր հանգիստ, վերացնել տուգանքները, մարդավայել վերաբերմունք ցույց տալ բանվորներին, աշխատանքից հեռացնել բանվորներին ծեծող գործարանի կառավարիչ Տեր-Ակոպովին և այլն:

Գործադուլավորները, նյութական և բարոյական օժանդակություն ստանալով Բաթումի Կոմիտեից, հանդես են բերում համառ կայունությամբ, սրի հետևանքով փետրվարի 18-ին Մանթաշևի գործարանի ադմինիստրացիան ստիպված է լինում նահանջել, ընդունում է բանվորների առաջարկները և գործադուլը ավարտվում է բանվորների հաղթանակով, որը խանդավառում է Բաթումի ողջ պրոլետարիատին:

Բաթումի ոստիկանապետը նահանգապետին գրած իր զեկուլյագրի մեջ տեղեկացնում է, որ Մանթաշևի գործարանի բանվորներին նման վարքը և հանդգնությունը մինչև այդ տեղի չունեցած երևույթ էր:

Խիստ անհանգստացել էին նաև զաչնակները և հնչակյանները: Նրանք զուգահեռ կորցրած ավելի են ուժեղացնում իրենց պրոֆակադիան, սոցիալ-դեմոկրատիայի ազդեցությունը և ուղղություն շարժումներից հայ բանվորներին հետ կանգնեցնելու համար: Նրանք ծեծում են գործադուլավորներին, մատնում են իշխանությունը, անկյունից սպանում են սոցիալ-դեմոկրատ բանվորներին: Օրինակ, նրանք Մանթաշևի գործարանից սոցիալ-դեմոկրատական խմբի մեջ մտած Ավետիք Թամամյանին գազանաբար տեղորի ենթարկելով, 35 տեղից դառույնահար են անում: Բայց զուր էր նայիտնալիստների ճիգերը: Պրոլետարական ինտերնացիոնալիզմի մարտական ոգին, որով դաստիարակվեցին բանվորները ընկեր Ստալինի ղեկավարությամբ, հաղթանակ տարավ նախնալիստների ստոր գավերի դեմ: Բաթումի բազմազգ բանվորները հանդես եկան միասնաբար: Հայ բանվորները ոչ միայն մասնակցեցին գործադուլներին, այլև այդ պայքարում իրենց եղբայր ռուս, վրացի ընկերների հետ միասին, նրանց նման հանդես եկան մեծ ակտիվությամբ: Այդ բանը իրարանցում առաջ բերեց ցարական ոստիկանության և ժանդարմերիայի շրջանում:

1902 թ. փետրվարի 4-ին Բաթումի ժանդարմական վարչությունը իր № 63 գրությամբ Քութայսի զինվորական նահանգապետին ներկայացրած զեկուլյագրի մեջ տեղեկություն հաղորդելով Մանթաշևի գործարանի մի խումբ գործադուլավոր բանվորների մասին, գրում է. «Պատիվ ունիմ հաղորդելու Ձերդ գերազանցությունը, որ Մանթաշևի գործարանում գործադուլին մասնակցած 82 մարդկանց թվից ամենագործարար մասնակցություն են ունեցել 30 մարդ՝ թյուրքահայատակ հայեր, որոնցից 22 մարդ

արդեն ձերբակալված են և ներկայումս գտնվում են բանտում, 8 հոգին նույնպես ենթակա են որոնման և ձերբակալման:

Քանի որ հիշյալ հայերը գործադուլի մեջ կազմում են ամենամիտանգավոր տարրերը և նկատի ունենալով այն, որ թյուրքական կառավարութունը նրանց այլևս թյուրքիա հետ չի ընդունի, և խոնարհարար խընդրում եմ Ձերդ գերազանցությունը՝ միջնորդություն հարույցել շտապ կարգով նրանց բնակեցնելու որքան հնարավոր է երկրի հեռավոր վայրերում, առավելապես Հյուսիսային Կովկասում, նրանց այնտեղ ոստիկանություն հսկողության տակ հանձնելու որպես ոչ բարի գիտավորություններ ունեցող և հասարակական կարգի համար վտանգավոր մարդկանց, գործարանային քաղաքում — ինչպիսին Բաթումն է, ապրելու իրավունք չունեցողներին:

1902 թվականի փետրվարին ավելի մեծ գործադուլ է սկսվում Ռոտշիլդի գործարանում, մեկը մյուսի ետևից գործադուլներ են ծայր առնում նաև քաղաքի մյուս գործարաններում:

Ցարական ոստիկանությունը խիստ երկյուղ կրելով այդ շարժումների հետագա ծավալումից, դիմում է կանխող միջոցների: Ռոտշիլդի գործարանից կրճատման պատրվակով փետրվարի 27-ին արձակվում են 398 ժանրարեհույս՝ բանվորներ: Ի պատասխան այս կարգադրության՝ մյուս օրը 1500 բանվորներ համերաշխ կերպով գործադուլ են հայտարարում: Մարտի 6-ին կանգ է առնում Ռոտշիլդի ամբողջ արդյունաբերությունը, դադարում են նաև Բաթումի նավահանգստի աշխատանքները, նավերի բեռնումը և նավթի արտահանումը արտասահման:

Գործադուլավորները իրենց ներկայացրած տնտեսական և քաղաքական պահանջների մեջ, որը կազմված էր ընկեր Ստալինի գլխավորությամբ գործող գործադուլային Կոմիտեի կողմից, առաջարկում են՝ հետընդունել արձակված բանվորներին, բարձրացնել աշխատավարձը, կրճատել աշխատանքային օրվա տևողությունը, շաբաթ օրերի համար սահմանել 8 ժամյա բանվորական օր և այլն:

Այս պահերի կապակցությամբ Բաթում է ժամանում Քուլթայիսի գլխավորական գեներալ նահանգապետ Սմագինը և անձամբ բանվորներից բացատրություն է պահանջում: Չբավարարվելով նրանց բացատրությունից, նա հրամայում է. «Եթե վաղը ևեթ գործի չներկայանաք, այն ժամանակ ձեռք կառնեմ խստագույն միջոցներ»: Նահանգապետի սպառնալիքները ոչ մի ազդեցություն չեն գործում բանվորների վրա:

Մարտի 4-ին գործադուլի են դուրս գալիս Սիդերիգիսի գործարանի բանվորները և պահանջում են աշխատավարձի հավելում:

Քուլթայիսի նահանգապետի օգնական գնդապետ Դրյագինը նահանգապետին գրած իր տագնապալի զեկուցագրերի մեջ տեղեկացնելով Սիդերիգիսի գործարանի բանվորների գործադուլի մասին, նահանգապետին հայտնում է գործադուլավորներին իրենց բնակավայրերը արտաքսելու իր որոշումը. «Սիդերիգիսի գործարանում մինչև հունվարի մեկը ժամկետով վարձված բանվորները պահանջ ներկայացրին, որպեսզի Մանթաշևի և Ռոտշիլդի գործարանների օրինակով իրենց բավարարեն վարձատրելով անցյա-

¹ Архив Груз. филиал ИМЭЛ—фонд 31, дел. 24, лис. 18.

լում աշխատած ավելորդ ժամանակի համար: Գործարանի ադմինիստրացիան մերժեց այդ պահանջը: Նրանք աշխատանքը ղաղարեցրին, հայտարարելով, որ նոր բանվորներ վարձելու դեպքում արգելք կհանդիսանան աշխատեցնելու շարունակմանը: Բոլոր գործադուլավորները հարյուր քառասուն ինն են, որից ուսահպատակներ՝ վաթսուն, այդ թվում Երեմյանի հայեր եռեսուն-վեց, տեղական բնակիչներ քսանչորս, օտարերկրացիներ՝ ութսունը ինը, այդ թվում՝ հայեր եռեսուն: Վաղը բանվորներին կհավաքեմ և կառաջարկեմ երկուշաբթի աշխատանքի անցնել: Չկատարելու դեպքում անհրաժեշտ է բոլոր գործադուլավորներին արտաքսել հայրենիք: Խնդրում եմ Ձեր ցուցումները: Խոստացված ստրամուկներն առայժմ չեն եկել, առանց հեծյալ ուժի քաղաքում և Խալոդնայա արվարձանում ու Բարձխանայում անգործություն պահպանել անհնար է:

Դ ր յ ա գ ի ն՝

Մյուս օրը՝ մարտի 8-ի (նոր տոմարով 21) առավոտյան ընկեր Ստալինի գլխավորությամբ Թոտշիլդի և մյուս գործարանների գործադուլավոր բանվորները մանիֆեստացիա են կազմակերպում, զայրույթով լրացված ներկայանում են ոստիկանական վարչություն և տեղեկանում են, որ իրենց ընկերները բանտ են տարված: Այդտեղից նրանք մեկնում են դեպի բանտը, ճանապարհին երթին միանում են նաև քաղաքի մյուս գործարանների բանվորները և քաղաքացիները: Հասնելով բանտ, բանվորները պահանջում են անհապաղ արձակել իրենց 32 ընկերներին կամ իրենց էլ բանտարկել: Ոստիկանությունը և զորքը նախ փորձում են ուժով ցրել ցուցարարներին: Տեղի է ունենում կարճատև ընդհարում: Վերավորվում է մեկ բանվոր, բայց ոստիկանությունը վախենալով հետագա բարդություններից, դիմում է խորամանկության, ցուցարարների աչքի առաջ բանտարկյալներին բանտից դուրս հանելով փոխադրում է Պուշկինյան փողոցի վրա գտնվող առաքման զորանոցները: Բանվորները երթը հետևելով է բանտարկյալներին: Առաքման զորանոցները հասնելով, ոստիկանությունը հաջողվում է խորամանկությամբ բանվորներից բանտարկել ևս 300 հոգու: Երա վրա դրությունը էլ ավելի է սրվում:

Այդ ժամանակ ԽՍՀՄ Բաթումի Կոմիտեի որոշմամբ՝ ընկեր Ստալինի գլխավորությամբ օտքի է կանգնում ամբողջ Բաթումի պրոլետարիատը: Անձամբ ընկեր Ստալինի ձեռքով գրված լուրջառնակ կոչերը լայնորեն տարածվում են գործարաններում և բանվորական ավաններում, բանվորները ամբողջ գիշերը Բարձխանա, Չարբա, Գորոդոկ, Կախարերի բանվորական թաղամասերում տենդազին պատրաստություն են տեսնում առավոտյան վիթխարի ցույց կազմակերպելու համար:

Մարտի 9-ին (նոր տոմարով 22-ին) ցույցի են դուրս գալիս Մանթաշևի, Թոտշիլդի, Նորելի, Թիլսկի եղբայրների, Սիգերիդիսի, Խաչատուրովի, Պասեկայի, Կապլանի գործարանների բանվորները, նավահանգստի բեռնակիրները, երկաթուղու և Բաթումի մյուս գործարանների բանվորներից շատերը՝ թվով 6 հազար հոգի, Բաթումը ընդգրկված էր Անդրկովկասի պատմության մեջ մինչև այդ շտեսնված ռեվոլյուցիոն ալեկոծությամբ:

¹ „Батумская демонстрация 1902 года“, стр. 103—105.

Առաջնության ժամը 8-ին, ցուցարարները մի քանի կարմիր դրոշակներով և ուղուցիոն երգերով, տարբեր լեզուներով «Կորչի ինքնակալությունը», «Կեցցե ազատությունը» բացականչություններով դիմում են դեպի առաքման զորանոցները և պահանջում են ոստիկանությունից՝ անմիջապես արձակել ձերբակալվածներին:

Ցուցարարների առջևից գնում էր ընկեր Ստալինը՝ առաջավոր բանվորների հետ միասին: Ջորանոցի մատուցներում Քրազմոթյանն ընդառաջ ելած գնդապետ Դրյագինին՝ բանվորների բազմության գլուխ կանգնած Միխ. Խրիմյանցը և Թեոֆիլ Գոգիբերիձեն բազմության անունից հայտարարում են միևնույն պահանջը.—կարդում ենք լենինյան «Բոլևիշյուսմ»-կամ ազատել ձերբակալվածներին, կամ թե ձերբակալել լուրերին: Այս անգամ գնդապետն ի պատասխան հրամայում է ցրվել: Որովհետև բազմությունը հրաժարվում է կատարել այդ հրամանը, Դրյագինը, բերդի այգետեղ կանգնած գումարտակի կոմանդան ուժեղացնելու համար, կանչում է Գովկասյան Ն-րդ հրաձիգ գումարտակի մի վաշտ: Ջրնվորների փորձին՝ հրապարակը մաքրել բանվորներից, վերջիններս պատասխանեցին քարերի տարափով: Բանվորները փորձում էին զինվորների ձեռքից խլել հրացանները և լսվում էին այսպիսի աղաղակներ. «Խփիր դրանց, վերցրու հրացանները, նրանք չեն կարող կրակել»: Հրապարակում եղած բանվորներին միացան փոխադրական բանտամասում գտնվող բանտարկյալները՝ որոնք աշտեղից քարեր շարժեցին և վերջում դուրս պրծան բանտի բակից: Վերջում զինվորները սկսեցին կրակել և սպանեցին 14 (փաստորեն 15—Ե. Խ.) բանվոր ու վիրավորեցին շատերին¹: Վիրավորների թիվը հասնում էր մինչև 54-ի, դա մի արյունահեղ գոտեմարտ էր, որի մեջ գահձի գերխաղաց Բաթումի ցարական ազմինիստրացիան և զորքերի կրակը ղեկավարող գահձ կապիտան Անտաձեն:

Ցուցարարները երկար ժամանակ անհողողող կռվում են համազարկերի ու գնդակների տարափի տակ: Արյունլիվ փնձակում մահացու վերք ստացած բանվորները բռնեցին բարձրացնելով, գրոհում են կրակողների վրա և վրեժի կոչ անում ընկերներին: Ցույցի և գնդակահարությունների ամբողջ ժամանակամիջոցում ընկեր Ստալինը գտնվում էր ալեկոծվող բանվորների հոծ մասսաների մեջ, ոգևորում և ղեկավարում էր նրանց շարժումը, օգնում էր վիրավորներին բազմություն միջից դուրս բերելու, ոստիկանների հետապնդումից նրանց ազատելու համար:

Ցույցը ճնշվեց միայն կռպիտ ուժի ու զենքի գործադրումով:

Մարտի 9-ի երեկոյան սոցիալ-դեմոկրատական խմբակների ղեկավարները հավաքվում են ընկեր Ստալինի մոտ: Նրանց հետ ունեցած զրույցի ժամանակ ընկեր Ստալինը ասում է. «Այսօր մենք առաջ անցանք մի քանի տարով»,—ինչպես այդ մասին հիշում են հին բանվորները: Եվ իսկապես, այդ ցույցը շրջադարձային կետ հանդիսացավ Անդրկովկասի բանվորական ռևոլյուցիոն շարժման մեջ: Բարումի պրոլետարիատը ընկեր Ստալինի ղեկավարությամբ կոփվեց և դարձավ համառուսական պրոլետարիատի ռևոլյուցիոն

¹ «Искра» № 26, 1902 թ. հոկտեմբերի 15 (լենինյան «Իսկրան» 1902 թ. հունիսից մինչև 1903 թ. ապրիլ ամիսը 7 ծավալուն թղթակցություն է տպագրում Բաթումի Ս. Դ. Կալմակերպության գործադուլները ու ցույցերի մասին):

բանակի առաջավոր ջոկատներից մեկը: Ցույցի մասնակիցներից մեկը՝ Պաշտուրովի գործարանի բանվոր Հովակիմ Ինջորարյանը պատմում է. «Այս ցույցը, որ կազմակերպել ու ղեկավարում էր ընկեր Ստալինը, մի անգամ ևս համոզեց մեզ, որ ինքնակալության դեմ զենքը ձեռքին մղվող լճոտական պայքարը միայն կհասցնի աշխատավորների հաղթանակին»:

Մարտի 12-ին ընկեր Ստալինը կազմակերպում է զոհված բանվորների ուղեցիտն հուղարկավորությունը: Չնայած դեռ երեք օր առաջ էր տեղի ունեցել ցույցի գնդակոծումը, բայց և այնպես թաղմանը մասնակցելու են զուրս գալիս բանվորական հսկայական մասսաներ, որոնց առաջնորդում էր ընկեր Ստալինը: Թաղման օրը ընկեր Ստալինի գրած կոչերը հեռագրում են Բաթումի ամբողջ գործարանները, նրանք տարածվում են նաև Քուլթայիսի նահանգի գյուղերում, արևելքում են Դուրիայի և մյուս շրջանների գյուղացիական ագրարային շարժումը: Այդ կոչերում մերկացնելով բանվոր դասակարգի անարգ գահիճներին, Բաթումի ցույցի գնդակահարողներին: Ընկեր Ստալինը կոչ է անում բանվորներին և աշխատավորներին՝ լճոտական պայքարի դուրս գալ ցարական և բուրժուական կարգերի տապալման համար, սոցիալիզմի հաղթանակի համար:

Ռևոլյուցիոն կրքով հագեցված ստալինյան այդ կոչերից մեկում կարդում ենք. «Փառք ձեզ, նշմարաւորյան համար սպանվածներիդ, փառք ձեզ սնած մայրական կրծքերին, փառք ձեզ փշե պսակով պսակվածներիդ. որ մեռնելիս դողդոջուն, գունատ շրթունքներով մեզ շնչում էիք պայքարի մասին:

Փառք ձեր սովերենքին, որոնք անարգել շրջում են մեզ վրա և մեր ականջին շնչում արյունով վրիժառու եղեր...»:

* * *

Ընկեր Ստալինի գլխավորությամբ 1902 թվականին Բաթումի ուղեցիտն ելույթները սարսափի մեջ էին դրել ցարական իշխանությանը: Քուլթայիսի գինվորական նահանգապետը նույնիսկ ստիպված էր մեծ քանակությամբ կազակային զորամասեր պահել Բաթումում: Չնայած դրան, այնուամենայնիվ 1902 թվականի մարտից մինչև 1903 թ. մարտ ամիսը մեկ տարվա ընթացքում Բաթումում տեղի ունեցան ավելի քան 30 գործադուլներ, որոնք բոլորն էլ վերջացան բանվորների հաղթանակով:

Ստալինականությունը և ժանդարմերիան ուժեղացնելով հետապնդումները, գործադուլավորներից և ցույցարարներից մոտ 500 հոգու ձերբակալելով արտաքսեցին Բաթումից դեպի իրենց ծննդավայրերը՝ Վրաստան, Հայաստան, Ադրբեջան և մյուս շրջանները: Այդ բանվորները ահռելի երկրամասով մեկ ծավալելով ստալինյան իդեաները, ուղեցիտն լողունքները, արևելքից և օտքի հանեցին Անդրկովկասի բանվորներին և գյուղացիներին՝ ինքնակալության և բուրժուազիայի դեմ:

1902 թ. ապրիլի 5-ի (18-ին) գիշերը ցարական ոստիկանությանը հաջողվում է Բաթումի պարտիական ղեկավար խմբի անլեգալ ժողովում ձերբակալել ընկեր Ստալինին: Բայց բանտում անգամ ընկեր Ստալինը չի խզում իր կապերը ուղեցիտն աշխատանքից: Նա բանտից ղեկավարում

¹ „Багумская демонстрация 1902 года“, стр. 127.

² Նույն տեղում, էջ 27, ընդգծումը մերն է—Ե. Պ.

և ուղղութիւնն է տալիս սոցիալ-դեմոկրատական կազմակերպութիւններին, բանվորներին և գյուղացիներին ունեցողիւն պայքարին: Յարական իշխանութիւնը, որը հատուկ հսկողութեան տակ էր պահուած ընկեր Ստալինին, 1903 թ. աշնանը երեք տարով աքսոր է ուղարկում Արևելյան Սիբիր:

Ընկեր Ստալինի բանտում գտնվելու ժամանակամիջոցում ցարական կառավարութիւնը Բաթումում կազմակերպում է մարտի 9-ի ցույցի զեկավար 21 առաջավոր բանվորների դատաւարութիւնը՝ մեղադրելով նրանց զինվորական մասերին դիմադրութիւն ցույց տալու մեջ: Ընկեր Ստալինի ցուցումով հմտորեն կազմակերպւում է դատապաշտպանութիւնը, և լենինյան «Իսկրա»-յի կողմից ողջ Ռուսաստանում հասարակական կարծիքի ստեղծման շնորհիւ, հաջողւում է մեղադրյալների մեծ մասին արդարացնել, ցարական դատարանը կարողանում է միայն մի քանիսին կարճատև բանտարկութեան դատապարտել:

Այս խոշոր հաղթանակը զուգահեռւում է Բաթումի մարտի 9-ի ցույցի առաջին տարեդարձին: 1903 թվականի մարտի 9-ին Բաթումի բազմահազար բանվորները Մարքսի, Էնգելսի պորտրետներով զարդարված կարմիր դրոշակներով նորից փողոց դուրս գալով, իրենց ուժերի մարտական սառուգատես են անում: Բանվորների շարասյուները ունեցողիւն երգելով անցնում են այն բանտի մոտով, որտեղ բանտարկված էր իրենց ուսուցիչը՝ ընկեր Ստալինը:

Ցուցարարները անարգանքի սյունին են գամում ցարական ինքնակալութեանը և բուրժուազիային:

Ընկեր Ստալինի գլխավորութեամբ Բաթումի բանվորները քաղաքական պայքարի հսկայական ուղի անցան: Նրանց ունեցողիւն ելույթները և մասնավորապէս մարտի 9-ի ցույցը «... ալեկոծեց Անդրկովկասի բանվորներին ու գյուղացիական մասսաներին», հուժկու արձագանք գտավ Ռուսաստանի շատ վայրերում՝ Օդեսայում, Եկատերինասլավում, Դոնի Ռոստովում և այլ վայրերում:

Այդ շարժումը ստացավ համառուսական քաղաքական նշանակութիւն: Նա միջազգային բանվորական շարժման պատմութեան մեջ մտավ որպէս պրոլետարիատի մղած ունեցողիւն պայքարի փայլուն օրինակներից մեկը: